



SAOPŠTENJE ZA JAVNOST

Otvorena istraga zbog osnova sumnje u izvršenje krivičnih djela Trgovine ljudima, Trgovine djecom i Zapuštanja ili zlostavljanja djeteta

(Brčko, 26.02.2025. godine)

Poduzimajući aktivnosti iz svoje nadležnosti, Policija Brčko distrikta BiH je na osnovu operativnih saznanja i pod nadzorom Tužilaštva Brčko distrikta BiH, te u saradnji sa Pododjelom za socijalnu zaštitu Brčko distrikta BiH i Crvenim krstom/križom Brčko distrikta BiH, dana 25.02.2025.godine pronašli 31 maloljetno dijete u privatnom stambenom objektu u Brčkom i zbrinuli ih na sigurno mjesto.

U kasnim večernjim satima istog dana, Policija Brčko distrikta BiH je pod nadzorom Tužilaštva Brčko distrikta BiH lišila slobode tri lica - Z.Đ. i A.Đ. iz Brčkog i V.P. iz Banja Luke zbog postojanja osnova sumnje da su izvršili krivično djelo "Trgovine ljudima" iz člana 207a, „Trgovina djecom“ iz člana 207b, i krivičnog djela "Zapuštanje ili zlostavljanje djeteta" iz člana 216 Krivičnog zakona Brčko distrikta BiH. U cilju prikupljanja materijalnih dokaza, izvršen je uviđaj po naredbi Tužilaštva Brčko distrikta BiH, te po usmenoj naredbi Osnovnog suda Brčko distrikta BiH izvršen je pretres prostorija stambenog objekta u kom su se nalazila djeca.

Tužilaštvo Brčko distrikta BiH je odmah po prijemu obavještenja Policije Brčko distrikta BiH otvorilo KTA predmet i intenzivno poduzima istražene radnje na utvrđivanju postojanja osnova sumnje u izvršenje krivičnih djela "Trgovine ljudima" iz člana 207a, „Trgovine djecom“ iz člana 207b i krivičnog djela "Zapuštanje ili zlostavljanje djeteta" iz člana 216 Krivičnog zakona Brčko distrikta BiH.

U daljem toku postupka, Tužilaštvo Brčko distrikta BiH će u skladu sa zakonskim ovlaštenjima poduzeti sve raspoložive mjere i radnje na potpunom rasvjetljavanju ovog događaja.

Imajući u vidu zakonske odredbe kod postupanja u krivičnim predmetima protiv učinilaca krivičnih djela na štetu djece i maloljetnika, ali i univerzalna prava djeteta, podsjećamo na obavezu posebno obazrivog postupanja, kako bi se izbjegle dalje štetne posljedice i zaštitio interes djece.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ